

Tillögur að stjórnarskrá Íslenzka Þjóðveldisins

Ritaðar 2013 til 2014 og byggðar á bókinni „Endurreist
Þjóðveldi 2013“ eftir Guðjón Hreinberg
og öðrum hugmyndum höfundar.



Ítarefni

Vefsíður

- a. hreinberg.is
- b. nyttland.is
- c. endurreist.not.is

Bækur

- a. Gullöld Íslendinga (Jón Aðils)
- b. Uppruni Íslendinga (Barði Guðmundsson)
- c. Goðorð og Goðorðsmenn (Lúðvík Ingvarsson)
- d. Löglegt en siðlaust (Jón Ormur Halldórsson)




Fáni Þjóðveldis

Hvítbláinn var
þjóðfrelsistákn
Íslendinga eftir 1874 og
fram að Konungsríkinu
1918.

Hann er hér stílfærður
og endurreistur.

Fáni Lýðveldisins frá
1944 er fáni annars ríkis
og var valinn af Danska
konungsveldinu.



1. grein

Þessi stjórnarskrá er sett til bráðabirgða í tvö ár frá samþykkt.

- a. Skal hún samþykkt í hlutfallinu átta af tíu á Þjóðveldishátíð á Þingvöllum við Öxará.
- b. Skal hún rædd á Héraðsþingum næstu átta þing – eða í tvö ár – og kosið um hverja grein samkvæmt 2-8-8 reglu.
- c. Skal hún fullrædd og vera í endanlegri mynd fyrir þjóðaratkvæði að tveim árum liðnum.



2. grein

Íslenzka Þjóðveldið er lýðveldi sem byggir á beinu lýðræði Íslenzkrar þjóðar sem byggir eylandið Ísland í Norður Atlantshafi.

- a. Þjóðveldið nær til þeirra héraða Íslensku eyjarinnar sem hafa virk héraðsþing frjálsra borgara og lýst hafa yfir fylgi við Þjóðveldi sitt.



3. grein

Löggjafi þjóðríkisins er í höndum sjálfstæðra héraðsþinga og allsherjar þings er nefnist Alþingi og er hlutverk Alþingis að samræma heildarlöggjöf Þjóðveldis.

- a. Hlutverk Lögsögumanns Alþingis er endurreist – en endurmótað – og má helst líkja nútíma hlutverki þess við samsett hlutverk Forseta Alþingis og Umboðsmanns Alþingis.



4. grein

Kosningar hafa úrslitavald í umræðum og ákvörðunum Þjóðveldis

- a. Meirihlutaval í atkvæðagreiðslu milli tveggja valþátta miðast við hlutfallið sextíu prósent.
- b. Náist ekki meirihluti skal kjósa að nýju (og ef aðstæður krefjast, að undangenginni auka umræðu).
- c. Ógildar kosningar eru þar sem færri en sextíu prósent kjósenda taka þátt eða þar sem auð eða ógild atkvæði eru samanlagt sextíu prósent.



5. grein

Hvert hérað hefur eigið þing sem haldið er ársfjórðungslega og nefnist Héraðsþing.

Mannfjöldastærð þings og staðsetning er valin af staðháttum og aðstæðum.

- a. Lagt er til að miðað sé við fjögur til sex þúsund manns á hérað og ekki sé lengra en klukkutíma akstur á þing í venjulegri fólksbifreið. Þannig má gera ráð fyrir að stórum bæjarfélögum og borgum sé skipt upp í héraðsþing eftir hverfum og fólksfjölda.



6. grein

Héraðsþing koma saman ársfjórðungslega. Er mælt með janúar, apríl, júlí, og október.

- a. Hvert héraðsþing hefur lögsögumann sem ber ábyrgð á setningu þess og þingsköpum.



7. grein

Hvert héraðsþing er sjálfstætt í ákvörðunum er lúta að héraði eftir því sem við er komið og landssátt ríkir um.



8. grein

Fullgildur ríkisborgari í héraði er sjálfkrafa þingmaður á héraðsþingi og hefur þar óskoraðan málsrétt og atkvæðisrétt.

- a. Takmarka má atkvæðisrétt þannig: hafi borgari sniðgengið kosningarétt sinn tvö þing í röð má meina honum að nýta atkvæði á þriðja þingi en ekki hinu fjórða.
- b. Til greina kemur að nota sömu takmörkun sé borgari skattskuldugur.
- c. Nýbúi sem gerist fullgildur ríkisborgari skal þreyta próf í þjóðtungu og skilningi á stjórnarskrá og grunn lagalæsi. Hugtakið nýbúi skilgreinir hvern þann sem fæddur er af öðru þjóðerni eða sem ríkisborgari annars ríkis en/og hefur flutt búferlum til Íslenzka Þjóðveldisins og er virkur þáttakandi í samfélagi þess.



9. grein

Fullgildur ríkisborgari hins Íslenzka Þjóðveldis:

- a. er hver sá sem stenst fullnaðarpróf í þjóðtungu Þjóðveldis,
- b. er hver sá sem sýnt hefur fram á lágmarks skilning á stjórnarskrá og grunn lagalæsi samkvæmt opinberu matsprófi,
- c. er sannanlega búsettur í héraði og gildur þáttakandi í sínu samfélagi,
- d. grunnskólanámi skyldi ljúka með fullnaðarprófi úr þjóðtungu og stjórnarskrá.



10. grein

Til hinnar Íslensku þjóðar telst hver fullgildur ríkisborgari Þjóðveldis.

- a. Hver íbúi Þjóðveldis nýtur mannréttinda samkvæmt ákvæðum [Viðauka II](#).



11. grein

Alþingi er kosið til beinu persónukjöri af vorþingi Héraðs. Einn alþingis maður og einn varamaður.

- a. Hver alþingismaður situr í eitt ár í senn og meðmælt að sitji ekki þrjú kjörtímabil samfleytt.
- b. Sumarþing í héraði getur heimkallað alþingismann sinn og sent varamann í hans stað.



12. grein

Alþingi setur þau lög sem skuli sameiginleg öllum héruðum.

- a. Héruð geta krafist endur umræðu laganna, sem þá eru ósamþykkt, sé það gert með 2-8-8 reglu.
- b. Að öðrum kosti eru lög gild samkvæmt settum ákvæðum sínum.
- c. Alþingi er mannað þingmönnum, einum frá hverju héraði, auk varamanns og situr hver þingmaður í eitt ár og aldrei fleiri en þrjú kjörtímabil samfleytt.



13. grein

Alþingismaður sé bundinn af kosningaheitum sínum við hérað, sannanlega búsettur í heimahéraði.

- a. Hann sé virkur þátttakandi héraðspings að því er héraðsping metur.



14. grein

Þjóðveldi kýs forseta í almenntri þjóðaratkvæðagreiðslu.

- a. Forseti Þjóðveldis stundi sín störf utan sviðs stjórn mála.
- b. Forseti Þjóðveldis er andlit þjóðar sinnar gagnvart öðrum þjóðríkjum og sameiningartákn innanlands.
- c. Forseti Þjóðveldis, ásamt Lögsgögumanni Alþingis, er verndari stjórnarskrár.



15. grein

Stökum greinum stjórnarskrá má breyta samkvæmt 2-8-8 reglu, sem er svohljóðandi:

- a. 2 merkir að 20% héraðsþinga geta sameignlega krafist umræðu um breytingar á stakri grein og sú umræða fari fram á næsta þingi.
- b. 8 merkir að 80% kjörsókn þarf um breytinguna á því héraðsþingi sem hún er rædd.
- c. 8 merkir að 80% atkvæða þarf að vera samþykkt breytingu svo hún hljóti samþykki.



16. grein

Upplýsingaskylda Þjóðveldis:

- a. Varðveisla allra opinberra upplýsinga og framkvæmd með aðgengi borgara og þinga að upplýsingum skal vera á höndum Upplýsingastofnunar. Starfsrammi Upplýsingastofnunar er skilgreindur í [Viðauka VII](#).
- b. Engum upplýsingum yngri en tveggja ára má leynd fyrir Alþingismönnum né lögsögumönnum héraða.
- c. Engum upplýsingum eldri en tveggja ára má leynd fyrir ríkisborgara Þjóðeldis.



17. grein

Dómarar, Fógetar (Sýslumenn) og Lögreglustjórar héraða eru kosnir almennum kosningum og sitja til þriggja ára í senn.

- a. Ef dómari dæmir gegn stjórnarskrá telst það glæpur gegn þjóð og/eða réttarmorð?



18. grein

Eigi má dæma íbúa Þjóðveldis til refsingar nema samkvæmt lögum og að undangenginni sönnunarbyrði fyrir dómi. Þegar fullnaðardómi er náð má eigi þyngja refsingu.



19. grein

Um dómstig og dómstóla

- a. Landsdómur er jafngildi hæstaréttar og sker úr um allsherjarlög og áfrýjaða dóma til endurmats.
- b. Hvert hérað hefur héraðsdómstól sem dæmir samkvæmt lögum héraðs og í mörgum tilfellum allsherjarlögum.
- c. Dómarar Þjóðveldis séu kosnir af almenningi og sitja hámark sex ár í embætti. Sé skortur á dómurum getur Alþingi skorað á hæft fólk til framboðs.
- d. Allir dómar séu kveðnir fjölskipuðum dómi þriggja til sjö dómenda og sé dómur gildur sé hann einhuga.
- e. Komi síðar í ljós að dómur sé réttarmorð skulu dæmendur sjálfkrafa útlægir í tólf ár. Réttarmorð telst þegar hluti dóms eða allur var að ósekju.
- f. Alþingi skilgreinir lög um framkvæmd dóma og almenn hegningarákvæði gegn lögbrotum.



20. grein

Útlægur telst sá sem missir lagalegan rétt innan Þjóðveldis að öllu nema ríkisfangi sem er ósviptanlegt.

- a. Landsréttur kveður upp útleigðardóma. Alþingi skilgreinir hæli sem veita má útlægum sem ekki geta eða vilja fullnusta útleigð utan Þjóðveldis.



21. grein

Ríkisstjórn Þjóðveldis er kosin í þjóðaratkvæðagreiðslu sem situr til þriggja ára:

- a. Væntanlegur forsætisráðherra stillir upp lista yfir tilvonandi ráðherra og er kosið um listann.
- b. Hver ráðherra ráðinn á faglegum forsendum beint af Alþingi?
- c. Ráðuneyti ríkisstjórnar s.s. fjöldi þeirra og meginsvið (valdsvið eða verklag) skulu ákveðin í stjórnarskrá.



22. grein

Grunnsköttun Þjóðveldis er bundin í stjórnarskrá:

- a. Hvaða skattar, skatthlutfall, innheimtufyrirkomulag [skal skilgreina í Viðauka](#) sem kjósa þarf um í þjóðaratkvæðagreiðslu samkvæmt 2-8-8 reglu.
- b. Ekki má leggja nein refsigjöld, sektir eða vexti á opinber gjöld eða vanskil þeirra.
- c. Eina áminning sem *hið opinbera kerfi* má (hugsanlega) nota til að áminna borgara sína um skyldur sínar við samfélagið er að meina notkun atkvæðisréttar á einu héraðsþingi (að hámarki). **Andi þeirrar áminningar er sá að atkæði og lýðræði er ekki sjálfgefið heldur verðmætt. Sjá [viðauka VI](#).**
- d. Ekki má taka greiðslu opinberra gjalda af borgurum Þjóðveldis með neins konar þvingunaraðgerðum, refsialögum né vöxtum. Opinber gjöld eru eðlis síns samkvæmt sett á borgarann og telst það næg þvingun, skyldi borgurum treyst af hálfu hins opinbera til að axla ábyrgð á sameiginlegum skyldum sínum.



23. grein

Hámarks vextir skulda, lána eða stýrivextir séu ákveðin í Þjóðaratkvæðagreiðslu til þriggja ára í senn.

- a. Verðtrygging sé ákveðin í þjóðaratkvæðagreiðslu – ásamt regluverki hennar – á tíu ára fresti.
- b. Hvað er fjárkúgun? Þegar Mótus tekur við milli innheimtu þá hækkar skuld um 90% á mánuði, tveim mánuðum síðar er hún 110% til 150% hærri en höfuðstóll og hefur milliliðurinn neitunarvald um greiðsluháttu.



24. grein

Skilgreining þjóðarauðlinda sé ákveðin í
Þjóðaratkvæðagreiðslu á þrjátíu ára fresti.

- a. Verði aðili fyrir sannanlegum skakkaföllum af
völdum þessa ákvæðis skal Alþingi ganga til
samninga um viðeigandi bætur á tjóni.



25. grein

Kjósa skal leynilegri kosningu á kjörstað í héraði, hver sem kosningin er.

- a. Framkvæmd kosninga og úrvinnsla á niðurstöðum og eftirlit:
 - i. er framkvæmd af Fógeta í héraði,
 - ii. úrvinnsla er á hendi Upplýsingastofnunar í héraði,
 - iii. allt ferlið undir eftirliti á vegum Forseta Þjóðveldis.
- b. Öllum Íslenskum ríkisborgurum skal gert unnt að fylgjast með beinum eða óbeinum hætti með umræðum sem leiða til kosninga, ef ekki í heimahéraði þá rafrænt eins og kostur er.
- c. Kæra vegna framkvæmdar kosninga skal umsvifalaust rannsökuð í sameiningu af Upplýsingastofnun, Yfirfógeta Þjóðveldis og fulltrúa Forseta Þjóðveldis og vera lokið innan þriggja mánaða.



26. grein

Skilgreining á stjórnarskrárbrotum og viðurlög skulu lögð til af Alþingi og samþykkt í þjóðaratkvæði með 80% samþykkt.

- a. Stjórnarskrá er sáttmáli þjóðar um skilgreiningu laga og réttar borgara innan ríkisheildar og því hlýtur brot á þeim samningi að vera **glæpur gegn þjóð**.



Stjórnarskrá Þjóðveldis er fyrsta lagastofnun sögunnar sem reynir að skilgreina hugtakið „Glæpur gegn þjóð.“

Stjórnarskrá Þjóðveldis

27. grein

Einkahagsmunir mega aldrei skyggja á og skerða almannahagsmuni.

- a. Ræða mætti innan héraðsþinga hvort eðlilegt sé að setja þak á stærð fyrirtækja og eignir einstaklinga ...
- b. Ræða þarf hversu frjáls einstaklingur má eða á að vera með tilliti til samfélags og almannahagsmuna



28. grein

Með engu móti má skerða trúfrelsi, málfrelsi, kosningafrelsi, málsrétt á héraðsþingi (nema föngum), jafnrétti kynja, eignarrétt (sem ekki ógnar almannahagsmunum), ...

- a. Fangar eiga áheyrnarrétt í sínu heimahéraði, ef ekki staðvært þá rafrænt, hvert fangelsi á rétt til að velja sameiginlegan fulltrúa sinn gagnvart löggjafa til eigin réttargæslu.



29. grein

Íslenzka Þjóðveldið má enga alþjóðasamninga, né alþjóðlegar skuldbindingar, gera án opinberrar umræðu og skal hver slíkur samningur lagður í þjóðaratkvæði.



30. grein

Enginn alþjóða samningur né skuldbinding má afsala með neinum hætti valdi Þjóðveldis yfir sjálfu sér.

- a. Ekkert opinbert fyrirtæki á vegum Þjóðveldis getur nýtt auðlindir án opinberrar umræðu eða að eigin geðþótta.
- b. Ekkert erlent fyrirtæki getur gert samninga við opinber fyrirtæki eða stofnanir Þjóðveldis sem njóti leyndar umfram það sem ákvæði um Upplýsingaleynd leyfir.



31. grein

Enginn erlendur lögaðili getur átt eignir innan Þjóðveldis nema samkvæmt undanþágu frá Alþingi sem samþykkt sé í því héraði sem téðar eignir eru staðsettar í.



32. grein

Íslenzka Þjóðveldið ætlar ekki að ryðja Lýðveldinu Ísland til hliðar eða velta því úr sessi.

- a. Viðhorf Þjóðveldis til byltingar og valdbeitingar er sú að um ofbeldi sé að ræða og slíkt sé andstætt virðingu, opinni samræðu og virku lýðræði. Þjóðveldi fordæmir alla valdbeitingu ríkisvalds gegn borgurum sínum. Ennfremur fordæmir Þjóðveldi allan hernað.



33. grein

Íslenzka Þjóðveldið stendur utan allra hernaðarbandalaga, starfrækir engan her og er bönnuð öll þáttaka í hvers konar stríðsrekstri eða hergagnaframleiðslu.

- a. Engum erlendum her af neinu tagi má leyfa afnot af né umferð um Íslenska lögsögu í lofti, láði eða legi.
- b. Borgarar sem þess óska fá aðgang að viðeigandi tólum og þjálfun til að gera slíkum aðilum – ef landið yrði hersetið – erfitt um vik með einum eða öðrum hætti. *Líta mætti á starfsemi björgunarsveita sem form að slíku skipulagi, sem um leið gæfi þau skilaboð erlendis að í augum Íslendingar sé eðlilegri herþjálfun til hjálpar öðrum en til stríðsrekstrar og ofbeldis.*



34. grein

Þjóðin skal sjálf ákvarða hver gjaldmiðill hennar sé eftir tillögum frá Alþingi og velja með Þjóðaratkvæðagreiðslu



35. grein

Þjóðfáni Íslenzka Þjóðveldisins skal valinn í þjóðaratkvæði á aldarfresti. Sjá [Viðauka IV](#).



36. grein

Þjóðtunga Þjóðveldis er valin af þjóðinni sjálfri í þjóðaratkvæðagreiðslu.



37. grein

Tilgangur Þjóðveldis er að bjóða þjóðinni valkost lýðræðis og færa henni aftur vald sitt.

- a. Þjóðveldið lýtur svo á að bæði ríkiskerfin séu hugmyndir og geti ríkt samhliða án skörunar.
- b. Eðlilegt sé að bæði kerfin geti samið sín á milli um þau atriði er eðlilega skarast.



38. grein

Fyrirtæki og/eða stofnun hefur veikari rétt en réttur einstaklings gagnvart lögum og eignarrétti. Nánari túlkun þessa ákvæðis skal skilgreind hjá Alþingi og samþykkt í þjóðaratkvæði á 30 ára fresti.



39. grein

Allir ríkisborgarar Lýðveldisins Ísland geta komið yfir til Þjóðveldis fyrirhafnarlaust.

- a. Þjóðveldið skuldbindur sig til að virða þinglýstar eignir s.s. jarðeignir, húseignir og fastamuni borgara sinna eins og þær voru þinglýstar fyrir 1. október 2008, og þær eignir sem þeir eiga þinglýstar án vafa fram að þeim degi er þeir skrá sig sem borgara Þjóðveldis.
- b. Þjóðveldið skuldbindur sig til að hafna öllum skulda kröfum á hendur borgurum sínum sem stofnaðar eru fyrir 10. desember 2012.
- c. Fyrirtæki í Lýðveldinu Ísland geta fylgt eigendum sínum yfir til Þjóðveldis á sama grundvelli og borgarar, að því tilskyldu að þær felli niður allar skuldakröfur sínar á borgara Þjóðveldis miðað við regluna hér að framan.
- d. Borgari kemur yfir til Íslenzka Þjóðveldisins með óflekkað mannorð og hreinan skjöld (rétt eins og Þjóðveldið sjálft).
 - i. Engin sakaskrá, vanskilaskrá, ...



40. grein

Starfsemi félaga sem halda félagskrá sinni leyndri eða fundargerðum, lögum og reglum er með öllu bönnuð innan Íslenszka Þjóðveldisins.



41. grein

Engri stofnun Þjóðveldis – né einkaaðila - er heimilt að viðhalda og safna á einn stað upplýsingum um borgara án þeirra leyfis og án þess að þeir hafi aðgang að.

- a. Borgari getur krafist þess að einstakar upplýsingar um sig og sína hagi séu leyndar ef hann telji það ógna persónuvernd, svo fremi að almannahagsmunir séu virtir.
- b. Upplýsingastofnun ber að setja alla staðla um upplýsingageymd og upplýsingavinnslu. Slíkir staðlar séu opnir til rýni og umræðu.
- c. Upplýsingastofnun ber ennfremur að skilgreina og skipuleggja gagnaöryggismál eftir starfsreglum þar að lútandi frá ... ?
- d. Upplýsingastofnun ber ábyrgð á að varðveita réttindi borgara sinna um persónuvernd samkvæmt reglu þessari.



42. grein

Stofnanir Þjóðveldis – og forstöðumenn þeirra –
heyra beint undir Alþingi.

- a. Alþingi er heimilt að veita ráðherrum ríkisstjórnar
vald yfir stofnunum. Héraðsþing geta haft áhrif á
þetta atriði samkvæmt 2-8-8 reglu.



43. grein

Engin eldri lög annarra ríkja *á Íslandi* eru sjálfkrafa gild í Þjóðveldi. Þó getur Alþingi Þjóðveldis mælt með inntöku eldri laga sem þá þarf að ræða á Alþingi sérstaklega og skilgreina inn í virkt lýðræðislegt ferli.

- a. Hugtakið önnur ríki merkir: Þjóðveldi þjóðveldisaldar frá 930 til 1264, Ísland sem Norskt og síðar Danskt sjálfstjórnar hérað eftir Gamla sáttmála 1262-4, Ísland sem hérað í Danska konungsveldinu eftir Kópavogsfundinn 1662, Konungsríkið Ísland 1918 til 1944, Lýðveldið Ísland frá 1944, eru önnur ríki með önnur lagasöfn.



44. grein

Aðsetur Alþingis, Forseta og stjórnar sé við Þingvelli sé því viðkomið eða þar í grennd. Þá skyldi aðgengi að svæðinu vera greiðfært, landsvæðið skylgreint þjóðareign, og ætíð auðvelt að halda þar Þjóðveldishátíð ef og þegar þjóð vill.



45. grein

Alþingi getur skilgreint viðauka við einstakar greinar stjórnarskrár sem þá séu samþykktir í þjóðaratkvæðagreiðslum á vegum héraðsþinga samkvæmt 2-8-8 reglu.



46. grein

Engin húsvanin dýr (húsdýr, búfénað, gæludýr) má deyða án dóms.

- a. Taka skal fyrir hvern einstakling fyrir sig.
- b. Hvert húsvanið dýr skal skrásetja hjá hagstofu Þjóðveldis í þar til gerðan gagnagrunn og örmerkt og er eigandi/forráðamaður ábyrgur fyrir velferð þess og skráningu.
- c. Villt dýr má leyfa veiðar á til manneldis en ekki til notkunar sem hráefni að öðru leyti nema lög tilgreini sérstaklega.



47. grein

Stofnunum Þjóðveldis er stýrt með lýðræði.

- a. Forstjórar þeirra bjóða sig fram til kosningar af starfsfólki og þurfa að standast spurningar af hálfu tilvonandi starfsmanna. Svo er einnig um forstöðufólk deilda og vinnuhópa.
- b. Til greina kemur að Héraðsþing og Alþingi móti vinnureglur til að stofnanir njóti einnig utanaðkomandi ráðgjafar eða verklagsreglna þar sem það þykir eiga við, en slíkt þarf að njóta samþykkis viðeigandi þinga.



Viðaukar

Eftirfarandi er einfaldur listi yfir
hugsanlega viðauka við þau drög sem hér
hefur verið stungið upp á til umræðu.



I.

Um beint vald þjóðar yfir stjórnarskrá, hugrekki til mistaka, vilja til endurmats, virðingu fyrir samræðu og umfram all: Ríki er ekki sett yfir þjóð heldur á þjóð að vera sett yfir ríkið – ef lýðveldi skal nefnast.



II.

Við grein [10.a](#). Um skilgreiningu mannréttinda og hugsanlega tilvísun eða virkjun á mannréttindasáttmála Sameinuðu þjóðanna. Einnig þarf að ræða hvort Þjóðveldi ætti að starfrækja sérstaka lagaþjónustu sem borgarar geti nýtt sér til óháðrar lagaráðgjafar og þá hugsanlega sér að kostnaðarlausu. *Þetta svið þarfnast viðtækrar og ítarlegrar umræðu.*



III.

Ræða mætti hugmyndir á borð við borgaralega þjónustu og umbun t.d. með tilliti til framhaldsnáms og/eða nýsköpunar. Ræða mætti gildi nýsköpunar fyrir virkni samfélags og uppgötvun ótroðinna slóða sem gæfu meir en *ýmislegt sem er þungt í vöfum sem hefur umdeildar afleiður.*



IV.

Við grein [35](#). Þjóðfáni ríkis er nátengdur því sem ríkið stendur fyrir svo og sögu þess og hugarmynd í huga einstaklinga og þjóðar. Árin 1874 til 1918 var Hvítbláinn sem svo er nefndur táknmynd frelsisbaráttu þjóðarinnar. Þegar Konungsríkið Ísland var reist stakk Danakonungur upp á dekkri lit í blámann og að settur yrði rauður kross í hinn hvíta af menningarlegum ástæðum. Hér er stunið upp á Hvítbláanum í breyttri mynd, þ.e. krossinn er stílfærður á svipaðan hátt og Svissneski fáninn en það ríki hefur viðhaldið frelsi sínu um aldir og þar er lýðræði og lýðræðisvitund afar sterk s.s. með tilliti til Kantona (Héruð) og þjóðaratkvæðagreiðslna. Auk þess sem langt er liðið frá frelsisbaráttu sem Konungsríkið og síðar Lýðveldið hafa skrumskælt.



V.

Viðauka skýring við grein [22](#): **Valdið er buddan. Gegnsæi skiptir engu ef borgarinn hefur ekki valdið.** Ekki er komin tillaga að þessum viðauka enn.



VI.

Viðauki við grein [22.c](#). Höfum eftirfarandi í huga: Til að beint lýðræði geti þrífist er nauðsynlegt að borgarinn átti sig á því, og finni til þess, að atkvæðisréttur og lýðræði er engan veginn sjálfgefið í sögulegu samhengi. Að borgari hafi rétt til áheyrnar og málsrétt eða þáttöku á þingi, svo og atkvæðisrétt, sé því ekki sjálfgefið með öllu.



VII.

Viðauki við grein [16.a](#). Skilgreina þarf betur rammann utan um Upplýsingastofnun til að tryggja sjálfstæði hennar og gegnsæi

